

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH
Munir Ahmad Azim

17 Mars 2017
(17 Jamad'ul Aakhir 1438 AH)

Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « Khatam-an-Nabiyyine »:

يَا أَيُّهَا الَّذِينَ آمَنُوا اذْكُرُوا اللَّهَ ذِكْرًا كَثِيرًا ۖ وَسَبِّحُوهُ بُكْرَةً وَأَصِيلًا ۗ هُوَ الَّذِي يُصَلِّي
عَلَيْكُمْ وَمَلَائِكَتُهُ يُخْرِجُكُمْ مِنَ الظُّلُمَاتِ إِلَى النُّورِ ۗ وَكَانَ بِالْمُؤْمِنِينَ رَحِيمًا ۗ تَحِيَّتُهُمْ
يَوْمَ رَدِيَ الْقَوْمَ عَلَيْهِمْ آجْرًا كَرِيمًا ۗ يَا أَيُّهَا النَّبِيُّ إِنَّا أَرْسَلْنَاكَ شَاهِدًا وَمُبَشِّرًا وَ
نَذِيرًا ۗ وَدَاعِيًا إِلَى اللَّهِ بِأَدْنَىٰ وَسِرَاجًا مُنِيرًا ۗ وَبَشِيرَ الْمُؤْمِنِينَ بِأَنَّ لَهُم مِّنَ اللَّهِ فَضْلًا
كَبِيرًا ۗ وَلَا تَطِعِ الْمُكَفِّرِينَ وَالْمُنْفِقِينَ وَدَعَا أَدْنَاهُمْ وَتَوَكَّلْ عَلَى اللَّهِ ۗ وَلَعَلَّ بِاللَّهِ وَكَيْلًا ۗ

Yaaa-ayyuhallazina aamanuz kurullaaha zikran-kasira. Wa sabbihuuhu bukrataww-wa asiilaa. Huwallazii yusallii alaykum wa malaaa-ikatuhuu liyukhrijakum-minaz-zulummati ilan-Nuur: wa kaana bil-Muminiina Rahiimaa. Tahiyatuhum yawma yalqawnahun salaam; wa aadda lahum Ajran-Kariimaa.

Yaaa-ayyuhan-Nabiyyu innaaa arsalnaaka shaahidaww-wa Mubash-shiraww-wa Naziiraa. Wa Daa-iyān illallaahi bi-iznihii wa Siraajam Muniiraa. Wa bashshiril-Mu-miniina bi-anna lahum-minallaahi Fazlan-Kabiiraa. Wa laa tuti-il-Kaafiriina wal Munaafiqiina wa da-azaahum wa tawakkal alallaah wa kafaā billaahi Wakiilaa.

Ô bane croyants, rappelle Allah beaucoup. Faire So louanges matin et après-midi (soir). C'est Li qui envoie la paix lor ou, et bane anges aussi, pou tire ou de l'obscurité et amène ou vers la Lumière. Li pardonne bane croyants. Zot salutation, le jour ki zot pou joinde Li, c'est "Salaam". Li fine prépare pou zot ene récompense généreux. Ô Prophète, Nous fine envoie toi comme ene témoin, ene annonceur de bonnes nouvelles et ene avertisseur, qui appelle dimounes vers Allah, par So grâce, et comme ene la lampe éclatante. Annonce bane croyants ki zot pou gagne de Allah ene grand grâce. Pas obéir bane infidèles et bane hypocrites. Pas prend compte zot tracasserie. Place to confiance en Allah. Allah suffit pou occupe to zaffaire. (Al-Ahzab 33: 42-49).

Zis après sa bane versets Quran là, pli devant mentionne *Khatam-an-Nabiyyine* et sa bane versets là, li bien lier avec le sujet de *Khatam-an-Nabiyyine*. Puisque le Prophète (saws) ti vine pour l'univers en entier, alors li ene témoin pour tout le monde. Et sa fine prouver par bane les autres versets Quran ki Muhammad (saws) li ene témoin pour tous les autres prophètes. Donc, « **Shahidan** » veut dire ki *'Nous fine envoie toi comme ene témoin pour tous le monde du passé, du présent et pour l'avenir aussi'*. To témoin lors tous bane prophètes du passé et aussi bane prophètes ki capave vini dans l'avenir aussi. Toi aussi to ene avertisseur pour zot. Ki veut dire ene témoin lors bane dimounes avant et après, et **couma le Saint Prophète (saws) capave ene témoin lors bane dimounes ki li pas fine trouver directement?** En fait li veut dire ki li pour couma ene mesure pour tester les autres, zot *Imaan* (la foi) et zot action.

C'est le Saint Prophète (saws) so témoignage ki pour déterminer si pas action là correcte ou soi action là mauvais. Li pour aussi ene mesure pour tester les autres prophètes zot travail, que ce soi du passé ou du future. Et maintenant ou capave trouver couma sa verset là, li lier avec le verset de *Khâtim*. *Khâtim* veut dire quelqu'un ki attester et attestation là, li faire à travers ene témoignage. Si li ene bon témoignage, lerlà à travers ene sceau, li encore ene pli grand preuve de sa attestation là. Donc, *Khâtim* li veut dire ene mesure ki capave donne sa témoignage là, pour tout le monde du passé, du présent et aussi de l'avenir.

Pour juge bane prophètes du passé, zot stage et zot station par bane actions, bane mots et bane instructions du prophète (saws), et pour tout bane ki présent et bane ki pou vini dans l'avenir aussi, c'est bien l'exemple du Saint Prophète (saws) même ki pour agir comme ene moyen pour déterminer si pas zot bizin être pardonner ou soi bizin être puni.

Donc, « *Shahidan* » li ene zaffaire ki ena grand lien avec *Khâtim*. Donc si li ene témoin dans sa sense là, lèr là pour quelques personnes, li pour ene warning (avertissement) et pour les autres li pour porteur bonnes nouvelles. Sa ena deux significations. Ene c'est ki bane ki fine fini passé et pas ti ena aucaine lien avec le Saint Prophète (saws), pour zot sa avertissement et sa bane bonnes nouvelles là, réfère à zot la vie dans l'au-delà. Zot sa bane chanceux là, ki d'après la pratique du Saint Prophète (saws) ti digne pour le pardon, mais ena bane malchanceux ki pas fine réussi passe sa l'examen là, et ni la bonne nouvelle et ni avertissement fine profite zot dans sa le monde là. Donc, pour ena dimoune ki gagne le message, pour zot avertissement et bonnes nouvelles li appliquer dans sa façon là, ki si zot pratiquer lors là, à ce moment là ena bonne nouvelle pour zot et si zot pas agir lors là, lèr là pour ena grand punition et humiliation pour zot.

Donc, bonnes nouvelles et avertissements fine servi pour réforme nous bane actions dans sa lé monde là, et aussi pour manifester et récompense le résultat de nous bane actions dans l'autre monde. Après Allah dire ki Li fine faire toi ene quelqu'un ki appelle vers Allah "d'après l'ordres Allah", et Nous fine faire toi ene la lampe rayonnante, ene tel la lampe ki capave illumine les autres la lampes.

Dai-illallah: Sa c'est ene mot ki fine servi spécialement pour le Saint Prophète Muhammad (saws). Pourtant sak prophète et zot bane suivants, zot bane *Dai-illallah* même. Nous trouve bane les autres mots pour bane les autres prophètes, mais nous pas trouve sa dans bane termes ki: « *Ô Prophète, to ene Dai-illallah sous l'ordre Allah.* » Donc, mo pas fine trouve sa adresse directe là, kot Allah dire ene prophète directement ki '**Mo nomme toi ene *Dai-illallah***', ki nommer spécialement par Allah, comme ene titre spéciale. Sa c'est zis Hazrat Muhammad (saws) ki fine gagner. Et sa, li fine gagner à cause so grade et so l'honneur.

« *Bi-iznihi* » fine souligne ene l'autre zaffaire, c'est ki ena beaucoup travail ki pas dans contrôle de l'homme, li en dehors le pouvoir de l'homme. Après sa même limite là, le sujet de miracle de la prière commencer. Et bane pouvoirs ki bane

dimounes péna, Allah ena. Sa même ki quelques fois Li (Allah) dire bane *banda* (So bane serviteurs) faire bane travaux ki apparemment (ki capave paraite) impossible, mais ki avec l'aide Allah, sa vine possible et lerlà, bane dimounes croire ki guette sa dimoune là ki qualité extraordinaire li été. Mais seulement bane prophètes, zot déclaré ki sa c'est pas nous sa, mais c'est Allah ki fine faire sa. Par exemple kot éna mention ki Jésus fine relève les morts, là-bas sak fois li mentionné par la commande (l'ordre) d'Allah. Par l'ordre d'Allah, moi mo pas fine faire narien là dans. Donc généralement, travail de appelle dimounes vers Allah paraître facile, mais kan éna pour analyse li en termes de résultats, li ene travail bien difficile. Parce ki li ene travail ki « *faire revive le mort* ». Pareil couma Jésus (as) ti ramène bane dimounes à la vie sous l'ordre d'Allah, ici aussi le Saint Prophète (saws) fine gagne sa mission de faire « *revive sa bane dimounes morts là* ». Donc, c'était toujours par la commande d'Allah ki li ti faire sa, sinon li bien difficile pour ramène ene dimoune mort à la vie spirituellement et sa travail là, li ti pé faire à travers ***Dai-Ilallah*** (c'est-à-dire, en tant ki ene dimoune ki appelle les autres vers Allah).

« ***Wa-Siraj-am-Munira*** » veut dire ki Li même Li ene lumière, mais Li éna sa capacité pou éclairer les autres la lampes aussi. Et sa c'est le sujet ki lier profondément avec le mot *Khâtim*; li pas ene finition dans so bane bénédictions. Mais li plutôt ene ouverture vers tous bane bénédictions. *Khâtim* veut dire ene dimoune ki capave crée so bane qualités dans les autres. Ki capave exprime so bane propre qualités dans les autres. Sa c'est la qualité d'ene z'homme. Puisque le background du verset « *Khatam-an-Nabiyyine* » c'est ki bane l'ennemis ti pé dire ki li ene papa ki pas ti éna aucaine zenfants z'homme (mâle) et zot ti pé dire li ki li ene perdant et ki c'est la fin de so génération. Zot ti même servis bane mots bien dur contre li ki fine aussi mentionné dans Quran.

Kan ou lire le mot « *Khâtim* » avec sa background là, ou pou trouvé clairement ki allégations et background ki fine mentionné, tous fine dissipé. Tous sa bane accusations là fine disparaître dans le sens ki Allah dire, li vrai ki dans le sens mondaine, to pas papa aucaine z'homme, mais Ô Muhammad (saws), bane qualités ki (Mo) fine crée dans toi, to capave crée sa bane qualités là dans les zot dimounes aussi et pou éna beaucoup dimounes couma toi parmi to bane suivants. Sa c'est le sujet ki fine mentionné dans « ***Dai-Ilallah*** » et « ***Siraj-am-Munira*** », ki to ene tel la lampe allumée, ki to capave allume les zot la lampes et zot pou reste allumé continuellement et to la lumière pou étalé partout dans le monde.

Bane versets auparavant zot supporte sa sujet là et couma le verset de « *Khatam-an-Nabiyyin* » vine tout de suite après ki Allah dire : « ***Yaaa-ayyuhallazina aamanuz kurullaha zikran-kasira*** » fine mentionne ene tel sujet ki fine vine obligatoire lors bane croyants ki zot bizin mazine Allah beaucoup. Jours et nuits, zot bizin glorifier Li. Sa sujet là li lier profondément avec descendance. Li éna connexion avec ene tel descendant ki bizin miraculeux et signification du sujet « *Khatam-an-Nabiyyine* » fine mentionné au milieu de sa deux sujets là. Ene coté, éna allégation de bane l'ennemis ki dire ki li pas papa de bane z'hommes couma li. Mais Allah fine mentionne sa d'ene tel façon ki Li enraye sa bane allégations là. Zot dire ki li pas papa de bane z'hommes, mais Allah dire : « *Oui, li pas papa de bane z'hommes couma zot. Et pour être papa de bane z'hommes couma zot, sa li pas ene l'honneur sa, li plutôt ene déshonneur, ene humiliation. Et ene tel papa ki laisse bane descendants couma zot, péna aucaine droit être fier.* » (C'est-à-dire, bane z'hommes ki pas pieux, kip é bafoué l'honneur et statut du prophète (saws)).

Et dans ene meilleur façon, mentionné ki : « *Oui, Muhammad (saws) li pas papa pou bane couma zot, mais bien sûr li ene Prophète d'Allah et li capave ene être ene papa ki produire bane prophètes, bane ki mérite bénédictions, ene papa ki fine produire et ki pou continué produire bane dimounes ki pou arrive jusqu'à statut de bane prophètes.* » Sa sujet là aussi fine mentionné dans lotte verset dans ene pli zoli façon et sa montrer clairement ki ici fine plito mentionne ene grand et ene bon nouvel d'ene descendant spirituel. Ene, li réfère à naissance spirituel. Et sa ena ene grande quantité ki le Saint Prophète ti faire revivre spirituellement. Fine ena bane grand grand *Sahaba* ki ti fine ena sa éclat de *Nabuwat* là.

Et après sa ena aussi ene « *descendant spéciale* » ki fine faire mention et pour éclairer sa, mo pou cite ene verset de Surah Al-Imran, c'est le Verset 43, mais avant sa ena verset kot Hazrat Zacharia (as) demande Allah pou donne li ene garçon couma ene signe. Li pé demande sa kot li ti déjà dans ene l'âge kot normalement ene z'homme pas capave produire zenfant parski so courage et so capacité pou produire, li diminué, so bane les z'os fine vine faible et so cheveux ti vine gris et li ti bien vieux. Après sa li fine gagne la bonne nouvelle ki '*Allah pou donne toi ene garçon*'. Li fine surpris et li fine demande Allah pou donne li '*ene signe pou mo conné et mo gagne sa certitude là ki sa li possible sa. Ene tel signe ki faire moi conner ki vraiment sa Fils Promis là pour arriver*'. Alors, Allah dire li, ki pendant 3 jours to bizin éloigne toi are tous dimounes et pas bizin cause are personne et faire signe are zot ki pendant sa 3 jours là to fine dédié toi complètement pour la cause d'Allah. Mazine Allah, jour et nuit to bizin glorifié Li.

Donc ou capave trouvé ki exactement le même sujet ki fine mentionné zis après le verset de « *Khatam-an-Nabiyyine* ». Là-bas pas ti ena la nouvelle de la cessation de Prophète (c'est-à-dire, ki pou arrête ena prophète), non, mais ena là-dans ene nouvelle d'ene grand prophète ki ti pou levé de parmi bane suivants du Saint Prophète (saws). « ***Subhanakal-laahumma wa-bihamdika. Ash-hadu-Allah Ilaaha-Illah Anta. Astaghfiruka-wa-atuubu Ilayk*** ». « ***Yaaa-ayyuhallazina amanuz kurullaha zikran-kasira.*** » ki zis après sa. C'est avec sa même *duah* ki Allah Li même ti montré Hazrat Zacharia (as) à travers révélation et comme signe de sa, toute de suite après Allah fine montré signe d'ene descendant pieux.

Immédiatement après sa, Allah fine dire bane dimounes pou mazine Li beaucoup et jour et nuit glorifié Li. Et comme ene résultat de sa, Allah pou envoye So bénédiction lors ou, d'ailleurs Li déjà pé envoyé même et So bane anges, sa c'est ene pli grand abondance de bien de Hazrat Muhammad (saws), ki fine mentionné ici.

Kansar et *Khatam* zot deux noms d'ene seul chose, mais sa veut dire ki la bénédiction du Saint Prophète (saws) li sans fin et li illimité. Alors c'est ene question au dessus de temps ou même de lieu et sa station là li pli haut et c'est ene bénédiction ki fine donné à bane, de so l'époque et à bane après li. Sa li pou bizin manifesté dans ene tel façon ki pou capave déclaré ki li le fils spirituel du Saint Prophète (saws).

Couma bénédiction du Saint Prophète (saws) pou propagé à travers le monde ? Ki travail **Jamaat Ul Sahih Al Islam** bizin faire dans sa domaine là ? Sa fine expliqué dans sa façon là ki premièrement, Allah fine décrire bane responsabilités du Saint Prophète (saws) et fine dire ki c'est li le « *Khâtim* » ki so bane bénédictions pé répanne à travers le monde et ki pou continué répanne. Et pli grand responsabilité pou répanne bane bénédictions de « *Khâtim* » ti répose lors Hazrat Muhammad (saws) et Allah dire ki to bizin augmente sa bénédiction là dans sa façon là ki nous fine envoye toi couma ene *Shahid*, couma ene *Mobasshar* et couma ene *Nazir*, c'est-à-dire, couma ene témoin, comme ene porteur de bonne nouvel et couma ene avertisseur. To bizin donne sa message là à bane dimounes sinon le but de to mission pas pou accompli. Et en expliquant pli devant Allah dire li, nous fine faire toi vine ene dimoune ki faire l'appel vers Allah. Et sa trois qualités ki fine attribué toi là, zot bane qualités ki pou faire toi accompli sa bane objectifs là.

Ene façon pour appelle dimoune vers Allah, c'est témoignage, ene lotte façon c'est à travers bane bonnes nouvelles et ene troisième façon c'est par donne bane avertissements et le Saint Prophète (saws) fine servi sa tous les trois moyens là, dans ene excellent façon. Alors, en ce ki concerne stampe de Hazrat Muhammad (saws) li le meilleur et li complet et ena trois les zot impression dans sa stampe là, ki fine mentionné ici, ki sak serviteur d'Allah (du **Jamaat UI Sahih AI Islam**) bizin engrave sa pou toujours dans zot, ene c'est *Shahid*, *Mobasshar* et *Nazir*.

Mo fine envie faire ou maziné spécialement ki bane prophètes, zot donne bane bonnes nouvelles en premier et bane avertissements li vine après. Et dans Quran aussi kot fine mentionne *Bashir* et *Nazir*, Tous le temps fine mentionne porteur de bonnes nouvelles et après avertissement mentionné. C'est ene façon kot bane serviteurs d'Allah, faire pour ki dimoune pas gagne peur avec zot, et dimoune pas sauvé, donne zot bon bon nouvelles avant, pour ki zot mode de vie changer, zot souffrance diminué, zot problème effacer et zot gagne toutes sorte de bénéfice et zot fardeau allégé. Ici *Mobasshir* ena ene lien directe avec ou *shahadat* ki couma dire fine ouvert ene nouveau chemin pou ou vine ene témoin. C'est-à-dire, ki ou bizin dire: '*Oui, ena ene Dieu ki vivant*' et ou bizin apporte sa témoignage là dans ou même. Allah fine donne le pli grand preuve de So l'existence en la personne de Hazrat Muhammad (saws). Aucaine philosophe du monde dans aucaine façon pas capave montré l'existence d'Allah pareil couma de so propre être Hazrat Muhammad (saws) fine vine ene témoin pour l'existence d'Allah.

Le **Jamaat UI Sahih AI Islam** bizin vine ene *Mobasshir* et puis ene *Nazir*, c'est-à-dire, vine ene porteur de bonne nouvel avant et leri là vine ene avertisseur. Et bizin averti zot de tous qualités dangers ki pé guette zot et ou bizin conseil zot de bane problèmes de la société. Donc, par la grâce d'Allah, (**Jamaat UI Sahih AI Islam**), dans nous difficulté aussi éna ene tranquillité et éna ene jouissance de *Jannat*. Tandis ki zot, zot la paix li couma l'enfer.

Donne ene dimoune avertissement sa pas oulé dire ki « *allé, toi, to pou rentre dans l'enfer toi* ». Pas dans sa façon là, mais donne avertissement sa ou bizin donné dans ene tel façon ki ou aussi ou senti ou partage souffrance ou prochain. Et c'est dans sa façon parfait là même ki Hazrat Muhammad (saws) ti pé averti bane dimoune, et pas couma bane moullahs ti pé dire (et encore pé dire): « *Allé toi, to pou rentre dans l'enfer, toi* ».

Hazrat Muhammad (saws) ti pé averti bane dimounes, ensemble avec zot, li ti pé senti zot douleurs.

Et Allah ti dire li : « *Ô Muhammad (saws), dans ki façon to pé averti zot ? To pé donne zot avertissement et to même to pé souffert zot douleurs ?* » Donc c'est dans sa façon purement de Hazrat Muhammad (saws) là, ki bizin averti et à ce moment là, avertissement là pou éna la vie et dimoune pas pou sauvé de ou, mais zot pou vine vers ou les bras ouverts.

Kan tous le monde entier fine attiré complètement par bane adorations mondaines et ki zot pé jouir bane l'avantages de sa lé monde là et ki sa pé amène zot vers la destruction au lieu ki amène zot vers la vie, kot éna la liberté. Donc, ou bizin invite zot dans sa prison de bane la loi ki fine révélé au Saint Prophète (saws), kot pou éna bane restrictions jours et nuits. Pou ou invite dimounes lors sa chemin là, sa li pas ene travail facile sa et n'importe ki façon ou procédé, ou pas pou capave conquérir les cœurs dimounes parski sa li réalisé seulement avec *duahs* sa. Hazrat Muhammad (saws) fine amène la vie de bane ki ti morts spirituellement avec *duahs* et l'aide d'Allah. Alors nous aussi, le **Jamaat Ul Sahih Al Islam**, nous bizin faire sa *duah* là beaucoup « ***Rabbi arini kaifa tuhyi-al mawta*** », « ***O mo Rab, montré moi comment to faire revivre bane dimounes ki fine morts*** ».

Si ou privé d'ene tel bénédiction, sa veut dire ki ou fine ratte ou la vie. Ou bizin guette ou fruit spirituel avec ou propre lizié et jouir zot. Et faire zot propre la lampes ki pou capave allume les autres la lampes, *Insha-Allah*.

« *Subhanakal-laahumma wa-bihamdika. Ash-hadu-Allah Ilaaha-Illah Anta. Astaghfiruka-wa-atuubu Ilayk* »